

崑新兩縣續補合志卷十一

孝友

朱成熙字緝甫少能文年十二入崑山學道光丁酉拔貢改歸新陽籍甲辰舉順天鄉試兩躋禮部試念父母春秋高歸里侍養己酉丁父啟房憂服闋選授高淳縣訓導踰兩載以赴試南宮假歸尋粵匪亂具舟奉母至南翔遇賊勢迫長子祿增被虜且將加害其母成熙請以身代賊敬其孝乃舍之事平復高淳任不數年文風丕振同治辛未成進士改庶吉士散館授編修兼武英殿協修以母老乞假歸食必侍母手進甘旨母年近九十兩目失明涕唾滿前或以餘食賜甘之不以為穢光緒

崑新兩縣續補合志

卷十一

孝友

一

丙子母沒擗踊號痛如孺子泣己卯復入都充國史館協修引疾歸主講瀛洲登瀛玉山三書院訓諸生以篤學勵行爲先品評確當士論翕然續修崑新合志縣大夫延聘總纂和心編輯捐金助刊復以修脯所入建立宗祠未竣卒年七十二光緒十六年以孝旌成熙與兄昌穀同居白頭二老怡怡終身昌穀子早卒妻張未婚守節詳見貞孝傳昌穀亦老成厚重古道可風能書求者輒應朱氏自叔鴻啟房至昌穀三世以能書名至今得其遺墨者猶爭寶之

趙詒翼字仲宣豐縣教諭文彬曾孫祖之驥父福庭皆諸生詒翼少遭寇亂及平始讀書弱冠游鄉校尋食餼貢

成均試輒冠多士省試屢不第遂絕意進取杜門著述
編輯鄉先賢遺集續纂正義鎮志及自著詩文誦味錄
等書皆手書工楷多至數十帙事母沈以孝聞母年七
十詒翼卽移榻就母宿凡十餘年以至於沒朝夕不離
側起居飲食咸親自調護偶有事出必命子代侍然後
去次兄詒毅弟詒謨瀟灑不親細務詒翼悉身任之又
佐兄成立義莊以贍族屬及兄弟相繼沒教誨猶子如
已出國變後閉戶謝客當事者欲見其面不可得詒翼
固善病至是作松下居士自傳及自輓聯四章以見志
乙卯夏母病詒翼力疾侍醫藥氣大喘病遂篤母命返
內寢徹夜不能寐復移臥具至親室越日卒猶視蓋以
不能終養爲憾
也年六十有二

王乃禕字挹歐號艾生貢生直隸子十歲遭母張氏喪卽
哀毀如成人父繼娶施事之一如張年十六父得怯症
身親湯藥無閒寒暑父非乃禕侍弗安也每至夜分倦
極卽就父病榻傍和衣睡垂三年及父病革益奔走求
醫藥時值盛暑以積勞中暍疾不能興恐傷父心卧病
房外父卒哀毀過於常人歛時目直視呼曰爺兒遂來
也自此不語亦不食旣歛一慟而絕時年十九

王學書號芹齋眞義小港人父大章死粵寇祖母葛在方
塘遇賊傷臂潰爛將死學書默禱於神割股四次和湯

藥進之

星溪
志稿

陸瑞錦字松溪世居巴城事母以孝聞咸豐庚申之變母

張氏殉難瑞錦挺身與賊鬥亦被害光緒十四年旌給

彤管揚輝匾額

朱葆熙稿

陳德基字炳堂諸生世居邑東鄉陳家角家故貧奉母必周母氏莊明大義有苦節德基假館於外時時歸省嘗爲母製杖題詩其上曰汝隨吾母行還侍吾母立游子未還家好藉扶持力粵賊入境母病篤鄉人皆遠遁德基與繼妻喬氏相守不忍去母尋歿夫婦親鞠土營葬寇大至夫婦守塋不避絕食死時邨中無男子僅二

老嫗爲合理母塋側

胡蘊稿

汪銘慎新陽縣附生事母吳氏克盡子道光緒二十五年十一月母吳氏以病卒銘慎日夜哭母寢食幾廢十二

崑新兩縣續補合志

卷十一

孝友

三

月二十一日葬母露宿墓旁受寒成疾卒距葬母三日耳年四十七歲光緒二十九年以孝子旌

吳大章字伯華映辰五世孫自幼有至性七歲喪父哀毀如成人時生計大繼大母與相持泣大章作啾啾狀以解之每歲首所親或與以果餌若錢大章必歸遺母以及其弟不妄用一錢弟犯母怒嘗代受杖年十三請於母曰吾與弟並讀書則修脯無出盍令弟讀而兒服賈遂習藥業一日還家值風雪衣履冰結如鐵石母淚涔涔下大章曰母無然兒習經此苦也年十六母病劇醫皆束手大章日焚香禱天乞減算以益母潛割臂肉入湯藥中進之病良已後見其臂有痕始覺之年十七業

成將受值矣遽遘疾歿

附傳

何雪堂新陽北鄉人業鐵工母老多病刲股以進旋愈如是者再常為母滌溺器母年七十餘夜卧衾寒雪堂先寢俟其暖然後起及母卒備極哀痛茹蔬百日年五十餘卒

張洪謨字仲謀諸生蓬閩鎮人婦亡父母欲為繼娶洪謨請先為弟娶并出亡婦奩以佐之人以為難庚戌秋死

孫祿培幼有至性九歲母亡哀毀已如成人祖父母病祿培隨父敬熙侍衣不解帶者兩月餘繼母不喜其兄福培父怒呼杖每每泣求不得則以身護之痛楚不顧焉

崑新兩縣續補合志

卷十一

孝友附傳

四

年二十四病咳嗆而卒

朱祖華稿

李文槎號斗巖文楷弟至性過人少病羸弱輟學工繪事人物界畫生動絕倫同治庚申粵匪竄擾陳墓倉卒間奉父避寇氛於元和顧家浜村會父疾亟離亂中醫藥無所得時兄文楷適奉母省親外家中夜旁皇計無所出乃焚香籲天刲股以進疾良已後父聞其事巖詞切責則涕泗交滢嗚咽而已旋父母相繼棄養哀毀骨立至得咯血症與兄文楷相友愛終身無閒言好施與夏良藥冬綿衣數十年如一日焉

李氏家譜

周之鑑字澹江廩膳生制藝為眾推服事本生母唐嗣母吳能色養兄貧隨時匡助課弟之齔如嚴師杜門教授

不預外事布衣蔬食以終之鶚字介如廩貢生之鑑落
拓好酒之鶚獨束身禮法其耿介拔俗則一也光緒已
丑水災閭里告匱之鶚請於官發倉穀以賑飢民修築
圩岸躬親督率無倦容年近五十猶力學如少壯卒年
五十二

張鏡
清稿

補遺

宋

曹椿年母病革椿年刲股療之寶祐三年事聞借補承信
郎知縣胡檠郡守趙汝歷爲立孝感坊于陳老橋之西
又淳熙八年有榮孝子刲股救母縣令爲立旌孝坊又
有張孝子者皆同縣市人也

崑新兩縣續補合志

卷十一

孝友補遺

五

明

闕用礪字季貞餘干令雲四世孫雲字時里成化丙午舉
人爲縣餘干有惠政祀名宦本邑東關外有循良世顯
坊以表異之孫之雄字學訥以文行稱爲諸生都講七
試鄉闈不遇用礪痛其父之賁志以沒也發憤力學冀
得一當及長子選善讀書乃謝去子矜一意教子其教
以忠信爲本孝友爲先用礪素貧奉二親甘旨必豐三
兄兩姊友愛最篤冬月見姊之嫁毛氏者尙單衣卽解
絮以衣之不自知其寒也年五十三卒選以順治甲子
舉于鄉戊戌成進士旣克成祖父之志而立身醇謹尤
以家訓爲兢兢邑之人無不以闕氏爲世孝也

已見舊
志闕雲

下惟事蹟甚略今
依康熙志增補

張守禮業醫家貧有至性父年七十疾革守禮割左股爲湯以進爲侍者所覺卒不起痛哭欲絕母復病痢劇甚復割右股和湯藥踰進之痢立止三日後母憶前藥有異覺之守禮愀然曰噫吾母壽止增三歲耳至順治十二年秋其母卒去割股時果三年縣旌其門

王仲祥平橋人母病危殆仲祥號泣乃割其股餌之母病尋愈其從子開先亦以割股活母母再病再篤開先再割股母亦再愈人稱王氏世孝

陸侔家陳墓里少游邑庠正德中全家爲逆彬所陷命官校籍其家父宜以侔幼匿之舟俾遠遁侔見父母俱被

崑新兩縣續補合志

卷十一

孝友補遺

六

逮仰天大呼自舟躍出詣部使者言狀願與親俱北旣下詔獄左右備養不憚勞苦父病則救父母病則救母形瘁骨立經年始白乃御其父母南歸一時賢公卿聞孝子名咸作詩以紀其事學使者復旌其廬以風世焉

崑南志

沈大梁字景和號卓齋濤子爲人孝友同母兄大楠三爲二千石不忍其母萬里就養自以菽水之養奉母安焉姊寡事之終身不怠於妻不以其病失夫婦之懼嘗官樂清丞攝縣事賑歲饑禦漳寇罷衙前支應咸稱循吏

年五十二卒

歸有光墓志銘

夏夢楫字可久性孝義事大父母存歿盡道甲寅倭變同

戚李一謙逃避倉皇之際能殞殮其骸骨其家三世習詩人稱爲葩經世家甫里志

朱文麟字仁夫一字端明號存默郡學生少從魏校遊授徒以養母每日定省無曠朔望必肅衣冠以拜母止之則長揖而退其兄素嗜博屢諫不聽乃密矚所往整服踞其側兄赧而去後卒改行許氏甫里志稿

朱廷良字角菴世居楊樹澗事父孝曾割股療父疾著有菊譜甫里志

周家鳳字孟鳴號鳴岐家淞南之吳橋家鳳少業儒數奇弗售以事謝去天性孝友幼念母恩堅心茹素至老不易父病竟夜禮北斗願促已齡以益父年諸女兄弟孀

崑新兩縣續補合志

卷十一

孝友補遺

七

居無依養之終身沒則撫其遺嗣如己子投老江鄉日事圖史手不暫釋尤喜積書典衣購買弗惜有秘本必假鈔錄凡經史禮樂百氏之書以及醫方卜筮序傳書疏細書成帙終身不倦遇知己徜徉山水潦倒花月視世味泊如也淞南志

徐一儁字仁伯號行素南復兄性孝友乙酉避兵火謀厝柩直上涇雨濘膠武與兄南復先後相失忽有皓首老人授杖前往得相聚無恙尤侗有仙杖贊李仙根有遇仙贈言

俞子義字和卿號存耕甫里人諸生事親至孝親沒廬墓三年年八十九夫婦同日以無疾終許志稿

張鶴民長於詩畫父敬修以琴擅名鶴民能繼之順治甲

申乙酉聞父與母費先後病鶴民兩割臂肉以進俱霍然起士林贈詩甚夥曰錫類編潘氏朱志補

國朝

余元熠字飛庚號恆齋家吳橋爲人清勁有守能修孝弟之行早失怙事節母邵孝養以志孀姨寡姊母意憐之迎歸侍養敬事終身周恤親故母意欲然默視無形恐恐然如弗及也兄炯不善治產歲資給無缺有煩言則弗聞也生則養沒則殯復割田產以撫其孤寡家雖近市卓然以名教自任常謂道學不外倫常倫常莫先孝弟故一生內行純粹蔚然爲一鄉望蔡方炳爲立孝友傳以贊其行志 淞南

崑新兩縣續補合志

卷十一

孝友補遺

八

徐瑞字勤宣崑山人徙居虎邱以孝著官浙江布政司照

磨退歸構樂山樓善寫梅竹工琴書嘗手錄先儒格言

刊石勸世

潘氏日記

顧洪慎字汝嘉號學圃弱冠游京師補太學屢試成均名第一以資授州同知職表戚徐健菴立齋兩先生官禁近令詣選曹謂可以次超擢而洪慎以親老弗應也儀表瓌偉飲啖兼人及居父喪茹素三載哀毀骨立從父亭林先生卒於晉赤脛走三千里扶柩還葬諸祖墓命子弘佐主其祀資性伉爽拔塵喜結客傾家弗顧築別業舍西疏泉壘石結屋三楹日與諸名士暢飲其中分韻拈毫壺觴繼進竟日夕無倦色後家益困氣益豪視

世俗無足當意遁跡淞南之湯墩且耕且讀以詩酒終其年卒時年四十九子弘佐松江府學增廣生嗣亭林公後世棠太倉州學生

徐景垣字掖薇縣學生父開運善病恆卧牀不起垣授徒養親湯藥必手治先嘗以進凡侍疾夜必屏氣立暗處聞父睡熟始退同時有馮一桂字秋卿母病久不愈晨夕籲天求減算以延母壽一夕母夢神授藥丸服之覺後病若失鼎革時一桂奉兩親避跡倉皇覓渡遇戚屬某舟求共濟某拒不納未幾某舟被兵馮固全家無恙人咸謂孝思所感父母歿哀毀幾至滅性隱居教授皓首窮經足跡未嘗至城市

許氏志稿

孝友補遺

九

崑新兩縣續補合志

卷十一

郝應鳳字景羽元和人崑籍性至孝童時家貧歲歉日負

官廩於遠道以養其親迄親歿備盡哀痛妹矢柏舟善

養之終身無德色

西蜀李實有墓志

金咸德字維周父受宜居下張浦生有至性祖澹園深愛之三歲祖亡見父哭亦哭祖母御甘旨呼與之輒推讓年十四念父母早衰又值歲歉棄書營農圃以助孝養後父往上張浦壻家日暮不返往迎歸燈昏路暗父踣於河卽奮身救之父得生而咸德死矣年二十七時乾

隆十八年三月二十五日也

張浦遺聞

邵鼎字佐臣號鉉亭事親能色養父病侍湯藥晨夕不離父令其暫息輒隱去仍不入子舍精岐黃術工書善畫

子崧承父教亦以敦行稱以醫名於時同里顧鳳儔父病劇刲股以療之中丞慕天顏給孝行可風額以旌其

廬許志稿

張正元字憲良號墨莊明思南府知府汝舟裔孫生三歲未能言四歲識字能剖偏傍爲某某字十歲哭母擬作思親十二時詩聲情悽惻見者哀之年十七補諸生以攻苦得羸疾歿年僅二十六著有墨莊集崑山詩存

王南坤字南洲甫里人父鼎美性謹厚始艱嗣晚歲舉坤稍長卽先意承志得父歡心里中稱孝子居恆崇尚節儉力行善事戊辰辛未間米價昂貴出米百餘石平糶崑令漢陽鄒給任郵風高匾額乾隆五年巡撫徐

崑新兩縣續補合志

卷十一

孝友補遺

十

仿朱子法置社倉坤首捐社穀五十石丙子歲饑石米五金設厰賑粥遠近無不感其義云甫里志

夏啟麟字應周甫里人幼孤嫡母相繼歿祭必流涕以不逮事爲恨事生母曲盡孝敬女弟三辦妝遣嫁爲先人營窀穸積勞成疾戊辰辛未間米價昂貴出粟平糶里中創舉同仁堂以理瘞埋啟麟捐資襄事陳墓有抵閭航載二願捐局收息供用爲有力者奪其一不便往來啟麟偕其壻王三錫出銀五十兩買船一具歸局澤枯利濟有兼善焉甫里志

程發篋人子也幼失怙事母邵氏至孝母病亟日夜叩天求以身代一醫謂藥與病符而不效此非人力可爲發

大涕泣剗臂肉和藥煮之病尋愈不令旁人知也或勸之娶妻以有所懲恐不安其母故自矢終身獨居而身爲小貿易以養母洎母歿發已四十餘猶作孺子慕躬負土與父合葬焉

萊溪志

朱定觀甫里人操舟爲業性極孝母早歿哀號如孺子泣父病篤藥不效乃割股煮湯以進病得痊踰年父歿以哀毀致疾而死里人哀之

甫里志

嚴兆鶴字于野號芝田世居甫里崑山籍元和諸生嘉慶八年兆鶴才十歲鄰居火延及外舍兆鶴父家善急趣家人等出外已仍反身入欲取室中所有俄而煙燄蔽室迷不得出時親知救火者畢集皆惶急相顧逡巡不

崑新兩縣續補合志

卷十一

孝友補遺

七

敢入兆鶴奮身突煙入火爲之退卒攬父裾以出眾環視大驚異因問火中何所見兆鶴曰兒但知覓父而已實不見有火也生平好吟咏其詩冲淡閒逸得乾坤清氣著有存素堂稿年五十九

朱兆构嚴孝子傳

周文麟字瑞甫號雲卿崑山縣學生少孤家赤貧不妄交接與同里潘鍾交密以文行相勗凌晉采甚稱其詩名日起有欲爲議婚者文麟輒辭或強之則悽然曰我先人尙在淺土母日苦操作愧無以供菽水何敢更議他事體本弱日夕攻苦旋以咯血卒年二十六病劇時盡焚其所作詩文沒後其弟廷誥於朋好處搜集一卷

稿

許志

周熊字渭英幼業制舉常試入烏程學又入嘉興學皆以
冒籍斥後棄儒業醫鶉衣百結環堵不蔽風雨養孤弟
寡妹撫孤姪甥輩常二十餘口飽則俱飽飢則俱飢歷
三十年如一日卒年六十五

潘氏朱志補

潘湯盤字商珍號綠陰明殉節諸生康侯五世孫家貧敦
行孝弟嘉慶乙丑以哭弟致疾卒年五十六遺詩一卷

子道根道原

崑山詩存

趙時字敏來峭長子有至性十歲讀曲禮視於無形聽於
無聲廢書而歎自是事親益謹一日隣人失火延燒其
居父升屋救火火已及時牽裾痛哭勸父下俄頃風返
火熄又常侍父過泖湖父墮水風帆不可泊時奮投河

崑新兩縣續補合志

卷十一

孝友補遺

三

中抱父出道光中旌孝

潘氏朱志補

陳心泰字裕中號舒堂崑山廩膳生父鍾仁字培元性簡
直訓蒙自給嘗積數年館穀代人償債以罄所有尤爲
里人所稱年七十八卒心泰以文自雄秋闈屢薦不售
爲人誠樸敦內行丁母憂哀毀成疾遂致不起臨終謂
室人曰爾當代我孝事老父善撫諸孤則我死可以瞑
目家雖窮困兒子不可不讀書也言訖而逝

許志稿

葛常吉字景陸號六皆父峻道登州經歷補黃山館巡檢
事親以孝稱常吉邑諸生兩次刲股療母疾尤盡心祠
墓購地葬族之無後者人以爲葛氏世有令德云

補

潘氏朱志

曹德耀字翔華號心耕父患痢顛天祈代供侍湯藥不離
牀第卽廁牖之屬躬親洗浣衣不解帶者五月父歿辟
踊哀號寢處柩旁百日事母定省寒暑無間母目患翳
醫藥罔效每晨以舌舐之數月而復明兩弟尙幼家貧
無遺產且有積逋勤勞服賈積逋一清又以其羨置田
百畝分授兩弟爲讀書之資有女弟適陳氏早寡無依
迎養撫孤甥成立道光二十八年旌孝子崇祀崑山
學忠義孝悌祠許志稿

潘恭齡字壽夫號錫予布衣博學尤精卜筮術母病劇或
有以割股事告恭齡曰虧父母遺體非禮也旣而百計
罔效潛然曰舍此更有何術療我母耶乃割左臂以進

崑新兩縣續補合志

卷十一

孝友補遺

三

病遂愈其弟病亡恭齡情傷手足不預宴會者累年其
篤於孝友如此時元和令楊承湛以力敦庸行匾額褒
其門子慶元字南昫崑山縣學生有文名亦精卜筮之

術許志稿

朱綱字陶久號雪泉陳墓人父墳晚年病目不能視徧求
名醫療治一日復明友愛兄弟不自私其財親歿後築
室墓旁顏之曰雪廬嘗居之以致其思慕少有幹局遇
事沈毅剛斷凡有益地方事盡力爲之咸豐元年以國
學生薦舉孝廉方正授六品冠帶晚年以田宅分授諸
子閉門謝客不問外事然有事關桑梓者必悉心籌畫
孳孳不倦卒年七十三葉裕仁傳參
陳文濬稿

周雲萊葭浜人咸豐初業煙紙店家極貧年已老事母不
少衰寒夜母起溺必先衣母衣俟溫乃以衣母終其身
如一日又同里俞姓者業木匠無名人稱之曰小俞每
至人家工作食必舍懷歸奉母雖遠必致至老不衰亦

咸豐時人

杜鴻緒
日記

吳鏢字熙純幼以孝聞踰冠而孤兩弟皆庶母出不諳治
生未三十相繼病沒積逋待償人皆爲鏢難之鏢愀然
曰吾兄弟之愛千金不易也卒爲償之夙喜宋儒書恆
曰素其位不願乎外貧亦富也履君子之行窮亦達也
嘗斟定家祭儀春秋二仲祭高祖以下四親仲冬祭始
遷祖仲夏祭禰祭之曰質明降神事畢執禮無倦怠容

崑新兩縣續補合志

卷十一

孝友補遺

十四

晚年別自號東廬時署鶴渚散人卒年六十

傅鈺吳
府君傳

崑新兩縣續補合志卷十一